

INUIT ATAQATIGIIT

Inatsisartuni



UPA 2019/53
11.04.19
Múte Bourup Egede

Arnat naartusut erninissaannut sapaatip akunneri sisamaannangortut tagginneqarneraniit naartunerminnut atatillugu sulingiffeqartalernissaat pillugu Naartunermi, erninermi meeravissartaarnermilu sulingiffeqartarneq ullormusiaqartarnerlu pillugit Inatsisartut inatsisaata nr. 14-p, 7. december 2009-imeersup allannguutissaanik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Meeqqap inuunermik toqqissisimanartumik aallartinnissaanut aqutissiuussisinnaasut tamaasa Inuit Ataqatigiit tapersersugaraagut. Ilaqutariingorlaanummi meeqqamullu toqqissisimaneq inuunerullu pitsaasumik imminullu piffissaqarfigilluarluni aallartinnissaa pingaarluinnartuq ilisimalluarparput. Inuunerup pitsaasumik aallartinnera ilaqutariingorlaanut taamatullu inuiaqatigiinnut siunissamut aningaasaliinertut taaneqarsinnaavoq. Inuunermi naarmiooqqaalernermit toqqissisimanartuq pitsaanerpaajusoq naammattumik uppersaataasqaarpoq – Peqqilluni inuunerinnissamut toqqammavissat pingaarnerit ilagilluinnarlugu.

Isumaqarpugut ilaqtariit meerartallit meerartaalersullu inuiaqatigiinnut ima pingaaruteqartigisut, meerartaalerneranni meerartaareernerannilu ulluinik oqilisaassinissaq avaqqunneqarsinnaanani. Siunnersuut oqallisigisarput taamak siunertaqarmat taperserlugu oqaatigissavarput.

Naalackersuisut siunnersuummut itigartitsinerat tusaatissatut tiguarput. Taamaattorli kaammattuutigerusupparput siunnersuut oqallisigisarput ukiau ilaqtariinnut oqilisaataasumik kiisalu ernereernerup kingorna sulingiffeqartarnermut aningaasaateqarfimmik pilersitsinissamik Naalackersuisut qaqitsinissaminnut pilersaarutaannut ilanngunneqassasut. Ilaatigummi §37 nr.150/2019-imut akissumminni Naalackersuisut ernereernerup kingorna sulingiffeqartarnermut aningaasaateqarfimmik pilersitsinissamik ukiau qaqitsinissatik pilersaatutiginerarmassuk. Siunnersuummi uani anguniagaq tapersersugarput uniffiginagu ilaqtariit atugaannut tamakkiisumik aaqseeqataanissarput suliarineqarniarmat siunnersuullu una sulianut taakkununga ilanngunneqarsinnaalluarmat itigartiinneqartariaqanngilaq.

Isumaqarpugullu siunnersuutigineqartup pivusunnngortinneqarnissaa ilutigalugu kikkut tamarmik meerartaarnermi sulingiffeqarnerup nalaani akissarsiaqarnissaminnut pisinnaatitaaffeqarnissaat ukiau qulakkeerneqarnialersoq kinguarsarneqarani pivusunnngortariaqartoq.

Inuit Ataqatigiit maluginarpaat Naalackersuisut ilaqtariinnermut politikkimik nutarterinermik erninermullu aningaasaateqarfimmik pilersitsinissamik siunnerfeqarnerat, tamannalu iluarisimaarparput suliarimi Inuit Ataqatigiit Naalackersuisooqataaneranni aallartinneqarsimasoq naammassiniarneqarmat. Siunissarpummi pineqarpoq pisussaaffittullu isigisariaqarparput inuiaqatigiit nukittuut pilersinnierneranni meerartatta

ilaqutariillu atugaasa ullumerniit pitsaanerunissaata timitalimmik anguniarnissaa. Ilaqutariimmi inuiaqatigiinni toqqammavitta pingaarnarpaat ilagaat.

Suleriaqqinnitsinni peqataatitsilluarnissarput kaammattuutigaarput, inuiaqatigiit sulisoqarnermilu illuatungeriit politikkipput siunnerfitta anguniarnerani avaqqussinnaanngilagut. Ataatsimoorutta angusassarput killeqanngimmat.

Taamak oqaaseqarluta siunnersuut soqutiginarloq ataatsimiitsitaliami susassaqtumi suliarineqassasoq innersuupparput. Tassanilu ilaqtariinnermi politikkip tamarmiusup nutaamik aqqiiviginissaanut suleqatigiilluarluni anersaaq sulinermi atorineqassasoq kaammattuutigalutigu.